



Aningaasanut Naalackersuisoq

Aningaasaqarnermut Ataatsimiititaliap suliaq nr. 01.31.06/08-00416 pillugu sapaammi ulloq 28. juni 2009-mi aalajangiinera pillugu Naalackersuisunut ilisimatitsineq

Ukiumi atuarfiusumi 2009/2010-mi efterskolimut immikkoortuugallartussamik Kangerlussuarmi pilersitsinissaq

Naalackersuisut inassutigaaat

konto pingaarneq 40.01.08, Ilinniartitaanermut pilersaarut kiisalu ilinniartitaanerup immikkut ittumik suliniuteqarfigineqarnera kr. 4.923.535-inik qaffaavigineqassasoq, kontomut pingaarnermut 40.10.12, Efterskolinut aningaasaliissutit kr. 320.000-inik qaffaavigineqassasut, kontomi pingaarnermi 20.11.50 Ingerlatsinerup sillimatini aningaasaliissutit kr. 5.243.535-inik ikilineqassasut.

Aningaasaqarnermut Ataatsimiititaliap oqaaseqaatai

Kangerlussuarmi efterskoliugallartup ingerlateqqinneqarnissaanut ilassutitut aningaasaliissuteqarnissamik suliami matumani Naalackersuisut qinnuteqarput. Qasigiannuani efterskolip ataani immikkoortortatut atuarfiup pilersinneqarnissaa naatsorsuutigineqarpoq aammalu atuartunut 80-inut inissaqarnissaa naatsorsuutigineqarluni. Efterskoliugallartumut tassunga aningaasartuutit tamarmiusut ukiumi atuarfiusumi 2009/2010-mi agguataarlugit 10 mio. kr.-it inulaassagaat naatsorsuutigineqarpoq.

Atuartut Qasigiannuani efterskolimut utaqquisutut allattortissimasut maanna 52-iunerat Kangerlussuarmi efterskoliugallartumik pisariaqartitsisoqarneranut Naalackersuisut pissutaanerarpaat.

Qasigiannuani efterskolimut qinnuteqarnissamut 15. december 2008 killissaritinneqartoq Aningaasaqarnermut Ataatsimiititaliamit maluginiarneqarpoq. Taamaalilluni taamatut suliniuteqarnissaminnut Naalackersuisut qaamatit arfinillit sinnerlugit atorsimavaat. Suliamik taama arriitsigisumik piareersaaneq Aningaasaqarnermut Ataatsimiititaliamit sakkortuumik naammagineqanngilaq.

ANAN-imit oqaatigineqartut suliaasaqarfiup taassuma iluani siunissamut ungasinnerusumut pilersaarusiortoqarnissaanik ersarissumik pisariaqartitsisoqartoq ataatsimiititaliap paasivaa. ANAN-imit tusarniaanermut akissummut KIIIN-ip oqaaseqaataani allassimavoq ukiup atuarfiusup ukiumit missingersuusiorfiusumit nikingassuteqarnera innersuussutugalugu aningaasanut inatsimmi aningaasaliissutit aammalu ilinniartitaanermut tunngasuni

anigaasaliissuteqarnissamik pisariaqartitat akornanni oqimaaqatigiittoqarnissaata qulakkeerniarnera ajornakusoortoq. Taama utoqqatsissuteqarneq ataatsimiititaliamit naammagineqanngilaq – minnerunngitsumik ingerlatsinermut sillimmatinit anigaasanik qinnuteqartoqarnera eqqarsaatigalugu. Inuusuttuaqqat ukioqatigiiaat naatsorsuutigisamit amerlanerusut efterskolimi inissamik qinnuteqarnerat anigaasaliissuteqarnissamik pisariaqartitsinermut pissutaagaluarpat naatsorsuutigineqarsinnaagaluarpoq KIIN-ip suliassa qarfiisa iluanni allamit (ilaannakortumik) anigaasalersuisoqarsinnaagaluartoq, tassami suliassa qarfimmut tamatumunnga qinnuteqartut naatsorsuutigisalaruamit ikinnerunissaat naatsorsuutigineqarsinnaasimagaluarpat. Siunissaq ungasinnerusoq isigalugu isumatusaartumik pilersaaruserneq aqutigalugu efterskoliugallartunik pilersitsinissamut siunissami pisariaqartitsisoqarunnaasasoq Anigaasaqarnermut Ataatsimiititaliamit naatsorsuutigineqarpoq. Aamma efterskoliugallartumik ukiumi ataatsimi atuartumut ataatsimut anigaasartuutit annertunerujussuat eqqarsaatigalugu. Efterskolimi inissat amerlanerusut pisariaqartitat Qasigiannuani efterskolimi inissaatit qaangissappatigit atuarfiup kingulliullugu taaneqartup allilerneqarnissaanut anigaasanut inatsimmi anigaasanik immikkoortitsisoqarnissaa isumaliutigineqartariaqarpoq.

Efterskoliugallartup atuartitsinissamut pilersaarutai il.il. inatsimmi piunasaqaataasunik eqqutitsinersut ANAN-imit nalornissutigineqarsimasoq ataatsimiititaliamit maluginiarneqarpoq. Aammattaaq atuarfiup malerugassaasa ilaasa paasineqarsinnaanerat nalornissutigineqartoq oqaatigineqarpoq. Apeqqutit tamakku Anigaasaqarnermut Ataatsimiititaliamit misissorneqarsimanngillat, taamaattumillu aalajangigaq matumani pineqartoq suliamut isummernertut isigineqarsinnaanani. Apeqqutilli pineqartut pillugit Inatsileriffimmit naliliissummik pissarsiniarneq aqutigalugu suliami inaarutaasumik qulaajaasoqassasoq aammalu tamatuma kingorna pisariaqassappat efterskolinut inatsisip allanngortinneqarnissaanut siunnersuutinik Naalakkersuisut saqqummiussissasut ataatsimiititaliap ilimagaa.

Anigaasaqarnermut Ataatsimiititaliap aalajangiinera

Siuliani allassimasutut paasinnilluni Naalakkersuisut inassuteqaataat Anigaasaqarnermut Ataatsimiititaliap **akuersissutigai.**

Anigaasaqarnermut Ataatsimiititaliap sinnerlugu

Akitsinnguaq Olsen

Anigaasaqarnermut Ataatsimiititaliami siulittaasoq